



Tužilaštvo/Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0020959 21
Sarajevo, 09.09.2021.godine

Na osnovu člana 216. stav 3. Zakona o krivičnom postupku BiH, donosim:

N A R E D B U
o neprovođenju istrage

Povodom e-mail poruke zaprimljene na info adresu Tužilaštva/Tužiteljstva Bosne i Hercegovine dana 28.07.2021.godine, sa e-mail adrese [REDACTED], kojom [REDACTED] prijavljuje jednu osobu ženskog spola iz [REDACTED] da je dana [REDACTED] na Facebook-u negirala genocid u Srebrenici, te na taj način počinila krivično djelo Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH, jer postoje druge okolnosti koje isključuju krivično gonjenje.

O b r a z l o ž e n j e

Dana 28.07.2021.godine, [REDACTED] je na info adresu Tužilaštva/Tužiteljstva Bosne i Hercegovine, dostavio e-mail poruku, u kojoj je naveo da želi prijaviti jednu osobu ženskog spola iz [REDACTED] koja je [REDACTED], svojim komentarima na Facebook-u, negirala da se desio genocid u Srebrenici. U prilogu e-mail poruke dostavljen je screen shoot navedenog komentara i profil na Facebook-u.

Dana 08.09.2021.godine, postupajući po Zahtjevu za prikupljanje dokaza Tužilaštva/Tužiteljstva Bosne i Hercegovine, Ministarstvo sigurnosti BiH, Državna agencija za istrage i zaštitu, dostavila je ovom Tužilaštvu Izvještaj o poduzetim mjerama i radnjama, broj: [REDACTED], sa priložima, u kojem je navedeno da su policijski službenici Državne agencije za istrage i zaštitu, u cilju identifikovanja prijavljenog lica izvršili pretrage putem društvene mreže Facebook i pretrage u bazi podataka Agencije za identifikacione dokumente, evidenciju i razmjenu podataka BiH (IDDEA); da je izvršen uvid u prijavljeni facebook profil [REDACTED], na kojem su pronađene informacije o [REDACTED]

██████████; da su rezultati pretrage u IDDEA bazi podataka bili negativni, odnosno da u navedenoj bazi nije pronađena nijedna osoba pod traženim imenom i prezimenom, te da su rađene i druge varijante mogućeg imena i prezimena ██████████ čijom pretragom su rezultati takođe bili negativni, zbog čega nisu u mogućnosti utvrditi identitet navedene osobe kako bi istu pozvali na saslušanje, a što je traženo u zahtjevu Tužilaštva, kao i da prilikom pretraga facebook profila nisu u mogućnosti pronaći prijavljeni komentar koji je napisala osoba koja koristi facebook profil sa imenom ██████████.

Nadalje je navedeno, da se podnosilac prijave, ██████████ odazvao na poziv i da je od istog dana 31.08.2021.godine, uzeta izjava na Zapisnik o saslušanju svjedoka, broj: ██████████ koji je dostavljen uz Izvještaj kao prilog, u kojoj je naveo da na facebook aplikaciji ima profil pod imenom ██████████ sa kojeg se dopisuje sa svojim prijateljima i čita komentare raznih drugih korisnika fb profila; da je upoznat putem javnih emitera da je od strane Visokog predstavnika došlo do izmjene jednog člana Krivičnog zakona BiH, koji se odnosi na izazivanje mržnje i negiranja genocida u Srebrenici, te je na fb profilu, nakon toga, između ostalih komentara, pročitao i komentar koji je objavila osoba koja na fb profilu koristi nic name pod imenom ██████████, a da je vidio da se radi o komentaru sadržaja „Pametni ljudi!!! U Srebrenici nije bilo ni zločina, a kamoli genocida“. Naveo je da nije siguran koja tačno objava je u pitanju, ali misli da je u pitanju objava na fb profilu tj.grupi, a odnosi se na članak preuzet sa ██████████ koji se tiče izmjene Zakona o negiranju genocida u Srebrenici; da je isti pronašao na predmetnom fb profilu i uradio print screen, te putem e-maila dostavio Tužilaštvu BiH. Istakao je da mu je zasmetao komentar od osobe predmetnog fb profila, jer smatra da svi trebaju u potpunosti poštovati zakone jedne države. Također, je naveo da on lično ne poznaje ██████████, odnosno osobu pod nic name-om niti je sa istom imao kakvih kontakata, a da mu je zasmetao njen komentar jer samim tim izaziva mržnju prema jednom narodu, te da on lično suosjeća sa žrtvama bez razlike na vjeru i naciju; da mu nije poznato da li je to fb profil pod pravim ili lažnim informacijama i da zna samo ono što piše na profilu, ██████████ i da mu je poznato, kao i svim drugim korisnicima fb aplikacije, da se može raditi o lažnom profilu, sa lažnim podacima sa istog.

Kao prilog uz Izvještaj dostavljena je i Službena zabilješka, Ministarstva sigurnosti BiH, Državne agencije za istrage i zaštitu, Kriminalističko-istražno odjeljenje, Odsjek za borbu protiv terorizma i trgovine ABHO, broj: ██████████, sačinjena na okolnosti pretrage Facebook profila ██████████, sa prilogom – odštampani print scrn istog.

S obzirom na sve okolnosti predmetnog događaja, dokumentaciju u spisu, te ostale operative podatke, a posebno činjenicu da ovlaštena službena lica nisu bila u mogućnost identifikovati lice koje je objavilo navedenu poruku na fb profilu, odnosno lica koje je prijavljeno da je počinilo krivično djelo Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH, ovo Tužilaštvo je, na osnovu člana 216. stav 3. Zakona o krivičnom postupku BiH donijelo Naredbu o neprovođenju istrage, jer postoje druge okolnosti koje isključuju krivično gonjenje.

U smislu člana 216. stav 4. Zakona o krivičnom postupku BiH, o odluci će biti obaviješten podnosilac prijave, ██████████, koji na ovu odluku ima pravo podnijeti pritužbu uredu Tužioca u roku od 8 (osam) dana.

TUŽILAC
TUŽILAŠTVA/TUŽITELJSTVA BiH